



الشاعر
أيمن عبده سعيد
محافضة الجيزة

مختار

جَدَّد النِّيَّةَ الأصيلة في استباقات الأمور
نهر نيل الحبّ طاهر خَلِيَّ روحك فيه تدور
واغتسل من نبع جاري صِلِّي فرداً أو جماعة
واعتبر أركان صلاتك فيها معاناة العبور
لَمَّا تزرع جوّه أرضك فازرع الحب بضمير
لَمَّا يجي الفكر عندك خَلِيَّ فكرك له بصير
جَدَّد الإنشاء وجَدَّد كلَّ عمدان البيوت
عَلِّي صوتك في المصانع لجل تطرح كلَّ خير

عَلَّمَ العِلْمَ اعتقاداً أَنَّ في العِلْمِ الحضارة
واسترد الجيل بحاله من حسابات الخسارة
وابني فيهم طوق مبادئ يحتويهم م الغريق
خَلَّى طوق العِلْمِ طاقة ف أعلى أوساط المنارة
وافتح مشروع حياتك واربطه ف حب البلاد
وابتدى بالنفس وابدأ فجأة تلقى العدل ساد
دا العبور في السُّلْمِ أصعب من عبورات الحروب
فاعبر الشكَّ اللي ساكن.. هل رأيت الشكَّ فاد!!!
لَسَّه واجبك فرض حبك للوطن لازم يميل
يا بلادي نهر نيلك نهر يشبه سلسبيل
وعد مَنِّي تؤمريني فامتثل للأمر واعبر
وابني طوبة فوق طوباتك أرفع الأحمال واشيل
وأرسمك أجمل مدينة تصلِّي في الأرض بإيمان
تعبري المحنة بسفينة وتوصلي الشطَّ الأمان
جدّد النيّة لعبورك بيها من أي اعتثار
كي ترى جنةً بلادي فاستبق طهر المكان